

TARIKH	RABU, 19 JUN 2024
AKHBAR	BERITA HARIAN
TAJUK ARTIKEL	CUEPACS TIDAK SENADA SPRM ISU PENJAWAT AWAM, RASUAH
M/S	9
BIDANG	CIVIL SERVICE
KATA KUNCI	CUEPACS, SPRM

CUEPACS tidak senada SPRM isu penjawat awam, rasuah

Gaji rendah bukan punca utama, faktor dalaman wujud peluang lakukan jenayah

Oleh Suzalina Halid
suzalina@bh.com.my

Kuala Lumpur: CUEPACS tidak bersetuju dengan pandangan Suruhanjaya Pencegahan Rasuah Malaysia (SPRM) berhubung kaitan penjawat awam dan rasuah.

Presiden CUEPACS, Datuk Adnan Mat, berkata ini kerana beliau melihat pandangan SPRM mengenai perkara itu memberi gambaran bahawa faktor utama kerajaan menaikkan gaji penjawat awam adalah untuk memerangi rasuah.

Beliau berkata, gaji yang rendah walaupun menjadi antara punca rasuah, ia bukanlah penyebab utama, sebaliknya faktor dalaman menyebabkan seseorang itu melakukan jenayah terbahit adalah kerana wujudnya peluang, kelemahan peribadi dan tidak berintegriti.

"CUEPACS tidak bersetuju apabila konteks kenaikan gaji penjawat awam itu dilihat daripada sudut tertentu sahaja seperti untuk membendung gejala rasuah.

"Laporan media setiap hari membuktikan penjenayah rasuah terdiri pelbagai kumpulan masyarakat dan rata-ratanya mempunyai jawatan, kedudukan

tertentu dan tidak hanya terdiri daripada penjawat awam," katanya dalam kenyataan, semalam.

Sebelum ini, Ketua Pesuruhjaya SPRM, Tan Sri Azam Baki, dilaporkan berkata, dengan menaikkan gaji penjawat awam tidak semestinya berkesan dalam membendung penularan gejala rasuah dalam struktur kerajaan.

Pada masa sama, Adnan berkata, pihaknya mencadangkan pihak berkuasa mengubah pendekatan dalam tindakan dengan memberi fokus kepada punca gejala rasuah di peringkat akar umbi iaitu pemberi rasuah.

Tumpas sumber rasuah

Beliau berkata, jenayah rasuah tidak akan dapat dibanteras sepenuhnya jika agensi penguatkuasaan tidak menumpaskan sumber atau akar umbi kepada punca gejala itu.

"Amat mengecewakan apabila pemberi rasuah tidak didakwa, malah dijadikan saksi untuk

Amat mengecewakan apabila pemberi rasuah tidak didakwa, malah dijadikan saksi untuk didakwa penerima. Ketika ini kita banyak didedahkan dengan tangkapan individu yang menerima rasuah sahaja hingga ramai yang mempersoalkan ke mana hilangnya pemberi rasuah

Adnan Mat,
Presiden CUEPACS



mendakwa penerima. Ketika ini kita banyak didedahkan dengan tangkapan individu yang menerima rasuah sahaja hingga ramai yang mempersoalkan ke mana hilangnya pemberi rasuah.

"Pemberi rasuah ini akan mencari pelbagai jalan untuk mencari mangsa mereka bagi mendapatkan keuntungan daripada transaksi yang dilakukan.

"Jika kita putus rantai pemangsa ini, sudah tentu rasuah dapat ditangani dengan lebih berkesan dan masyarakat akan lebih takut untuk terbahit dalam salah laku itu," katanya.

Beliau berkata, tindakan sege-lintir penjawat awam yang terbahit dalam gejala rasuah tidak mencerminkan keseluruhan integriti dan akauntabiliti penjawat awam negara.

wat awam negara.

Katanya, pembabitan dalam rasuah dan salah laku adalah tindakan sebilangan kecil penjawat awam yang tidak mewakili 1.7 juta warga penjawat awam.

"Kita akui SPRM sudah berusaha dengan sebaiknya dalam menguatkuasakan undang-undang dan CUEPACS bersama penjawat awam sedia bersama-sama dengan agensi itu dalam memastikan usaha terbahit terus diperiatkan.

"Namun, CUEPACS menyeru semua pihak, termasuk masyarakat awam memberi sokongan kepada perkhidmatan awam," katanya.

Adnan berkata, pihaknya percaya keputusan kerajaan menaikkan gaji penjawat awam baru-baru ini adalah usaha untuk merapatkan jurang pendapatan dengan kos sara hidup yang tinggi ketika ini dan bukannya hanya disebabkan faktor rasuah.

Katanya, ia juga adalah usaha kerajaan untuk mengimbangi pendapatan antara pekerja gred rendah dan tinggi yang terlalu besar jurangnya serta tidak mencerminkan situasi sebenar pendapatan purata isi rumah di peringkat nasional.

"Kenaikan gaji yang bakal dinikmati penjawat awam ini perlu bergerak seiring dengan kualiti kerja yang lebih baik bagi memastikan impak kepada kenaikan itu dapat membantu perkembangan ekonomi.

"Hal ini termasuklah dengan melaksanakan kerja dengan penuh tanggungjawab dan mengelakkan perkara yang melanggar tabir urus dan penyelewengan," katanya.



DISEDIAKAN
OLEH

NOR SURIANI BINTI MOHD ZIN (S44), BPM
UNIT PERPUSTAKAAN, BPM